

**-UPRAVNI ODBOR-**

Broj: 02-44-4/20

Sarajevo, 31. 8. 2020. godine

Na osnovu člana 129. Zakona o visokom obrazovanju („Službene novine Kantona Sarajevo“, broj: 33/17), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, razmatrajući prigovor Faruka Sadikovića, broj: 0101-6717/20 od 30. 6. 2020. godine na Odluku rektora Univerziteta u Sarajevu o izboru kandidata po raspisanom Javnom oglasu broj: 0101-6432/20 od 22. 6. 2020. godine, Upravni odbor Univerziteta u Sarajevu je, na svojoj 27. elektronskoj sjednici, održanoj dana 31. 8. 2020. godine *donio*

ODLUKU

1. Odbija se prigovor podnosioca Faruka Sadikovića, broj: 0101-6717/20 od 30. 6. 2020. godine, na Odluku rektora Univerziteta u Sarajevu o izboru kandidata po raspisanom Javnom oglasu broj: 0101-6432/20 od 22. 6. 2020. godine, *kao neosnovan*.
2. Odluka rektora Univerziteta u Sarajevu iz tačke 1. ove Odluke se potvrđuje.

O b r a z l o ž e n j e

Univerzitetu u Sarajevu je dostavljen prigovor podnosioca Faruka Sadikovića, 0101-6717/20 od 30. 6. 2020. godine na Odluku rektora Univerziteta u Sarajevu o izboru kandidata po raspisanom Javnom oglasu broj: 0101-6432/20 od 22. 6. 2020. godine.

Po prijemu prigovora kandidata Faruka Sadikovića u zakonski utvrđenom roku, Univerzitet je u skladu sa odredbom člana 16. stav (7) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“, broj: 9/19) – (dalje: Uredba o postupku prijema u radni odnos) isti uputio Ministarstvu za obrazovanje, nauku i mlade Kantona Sarajevo kao drugostepenom organu, koji je nadležan za nadzor nad radom poslodavca i po prigovoru rješava u roku od 15 dana. Navedeni drugostepeni organ se po podesenom prigovoru nije izjasnio, nakon čega je Univerzitet, oslonom na odredbu člana 16. stav (3) Uredbe o postupku prijema u radni odnos, uputio zahtjev za povrat podnesenog prigovora i isti uputio na odlučivanje drugostepenom organu utvrđenom osnivačkim aktom poslodavca.

S tim u vezi, odredbama člana 129. stav (2) tačka j) Zakona o visokom obrazovanju („Sl. novine Kantona Sarajevo“, broj: 33/17) i odredbama člana 55. k) Statuta Univerziteta u Sarajevu, utvrđeno je da Upravni odbor odlučuje o prigovorima odnosno žalbama *zaposlenika* na odluke tijela visokoškolske ustanove/organizacione jedinice koji su u prvom stepenu odlučivali o pravima obavezama i odgovornostima zaposlenika iz radnog odnosa. Utvrđena zakonska nadležnost Upravnog odbora je u vezi sa odredbama Zakona o radu FBiH („Službene novine FBiH“, broj: 26/16 i 89/18) kojim je propisana zabrana diskriminacije *i lica koja traže zaposlenje*, te je poslodavac u obavezi osigurati zaštitu prava i licima koji su učesnici u konkursu, odnosno lica koja traže

zaposlenje. S tim u vezi, pravo izjavljivanja žalbe učesnika u konkursu, u zakonom propisanom roku od 15 dana od dana saznanja za diskriminaciju, predstavlja svojevrsno izuzeće.

Uz prigovor podnosioca, priloženi su spisi koji se odnose na predmet, kako slijedi:

1. Saglasnost Ministarstva za obrazovanje, nauku i mlade Kantona Sarajevo, broj: 11/05-30-9704-1/20 od 29. 4. 2020. godine;
2. Odluka rektora Univerziteta u Sarajevu o imenovanju Komisije za provođenje Javnog oglasa za prijem radnika u radni odnos na određeno vrijeme, na radna mjesta stručni saradnik za međunarodnu saradnju, samostalni referent-obezbjedenje i spremačica, broj: 0101-5615/20 od 3. 6. 2020. godine;
3. Tekst Javnog oglasa za prijem u radni odnos na određeno vrijeme (do 31. 12. 2020. godine) za radno mjesto samostalni referent-obezbjedenje u punom radnom vremenu, jedan izvršilac, objavljen dana 2. 6. 2020. godine, sa ispravkom i dopunom Javnog oglasa od 4. 6. 2020. godine, u dnevnim novinama „Oslobođenje“;
4. Zapisnik Komisije za provođenje Javnog oglasa, broj: 0105-5879-1/20 od 16. 6. 2020. godine, sa spiskom kandidata prijavljenih na Javni oglas;
5. Zapisnik Komisije za provođenje Javnog oglasa, broj: 0105-5879-3/20 od 18. 6. 2020. godine;
6. Zapisnik Komisije za provođenje Javnog oglasa, broj: 0105-5879-4/20 od 19. 6. 2020. godine sa Listom uspješnih kandidata za prijem radnika na radno mjesto samostalni referent-obezbjedenje;
7. Odluka rektora Univerziteta u Sarajevu o prijemu radnika na određeno vrijeme za radno mjesto samostalni referent-obezbjedenje, broj: 0101-6432/20 od 22. 6. 2020. godine;
8. Prijava na Javni oglas kandidata Mirze Mušanovića (izabranog kao najuspješniji kandidat po predmetnom Javnom oglasu) sa pratećom dokumentacijom;
9. Prijava na Javni oglas kandidata Faruka Sadikovića, podnosioca prigovora, sa pratećom dokumentacijom;
10. Akt upućen Ministarstvu za obrazovanje, nauku i mlade Kantona Sarajevo, broj: 0101-6922/20 od 06. 7. 2020. godine;
11. Obavještenje Univerziteta u Sarajevu upućeno podnosiocu prigovora, broj: 0105-7865/20 od 27. 7. 2020. godine.
12. Akt upućen Ministarstvu za obrazovanje, nauku i mlade Kantona Sarajevo, broj: 0101-7977/20 od 29. 7. 2020. godine

Uvidom u raspoloživu dokumentaciju, Upravni odbor je konstatirao da je aktom Ministarstva za obrazovanje, nauku i mlade Kantona Sarajevo, broj: 11/05-30-9704-1/20 od 29. 4. 2020. godine data saglasnost Rektoratu Univerziteta u Sarajevu za prijem radnika u radni odnos na određeno vrijeme, između ostalih i za radno mjesto „samostalni referent-obezbjedenje“, na temelju kojeg je dana 02. 6. 2020. godine objavljen Javni oglas sa ispravkom i dopunom od 4. 6. 2020. godine, u dnevnim novinama „Oslobođenje“, u kojem je navedeno da prioritet u zapošljavanju imaju lica utvrđena u članu 23. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, br. 45/12, 26/14 i 46/17). Komisija za provođenje Javnog oglasa za prijem u radni odnos za radna mjesta „stručni saradnik za međunarodnu saradnju“, „samostalni referent – obezbjedenje“ i „spremačica“, imenovana odlukom rektora Univerziteta u Sarajevu, je u proceduri propisanoj Uredbom o postupku prijema u radni odnos, sačinila zapisnik o pristiglim prijavama na Javni oglas i utvrdila rang listu kandidata koji ispunjavaju formalne uslove, obavila usmeni i pismeni ispit sa kandidatima, te podnijela izvještaj rektoru Univerziteta u Sarajevu o provedenom postupku i rang listi kandidata za prijem radnika. S tim u vezi, Komisija je predložila izbor prvorangiranog kandidata Mirze Mušanovića za radno mjesto „samostalni referent – obezbjedenje“, dok je podnositelj prigovora Faruk Sadiković rangiran na devetom mjestu Liste uspješnih kandidata. Pored činjenice da je izabrani kandidat prvorangiran na Listi uspješnih kandidata, Komisija je prilikom

predlaganja izbora kandidata sa kojim će se zaključiti ugovor o radu cijenila odredbu člana 23. Zakona o dopunskim pravima boraca-branitelja Bosne i Hercegovine, kojom je utvrđeno pravo na prvenstvo pri zapošljavanju djece šehida-poginulih branioca, umrlih ratnih vojnih invalida, i umrlih dobitnika ratnih priznanja i odlikovanja, s tim u vezi i dostavljanje odgovarajućih dokumenata koji se prilažu prilikom prijave na Javni oglas kao dokaz prioriteta u zapošljavanju, a kako je to utvrđeno članom 17. Uredbe o postupku prijema u radni odnos. Također, uzeta je u obzir i odredba člana 7. Zakona o pravima branilaca i članova njihovih porodica FBiH („Službene novine FBiH“, broj: 33/04, 56/05, 70/07, 9/10, 90/17), kojom je utvrđeno pravo prednosti pri zapošljavanju koje kandidat ne ostvaruje automatizmom, već samo ako se radi o jednakim uslovima, odnosno samo ako je na provedenom pismenom i usmenom ispitu ostvario jednak broj bodova kao i najbolji kandidat. U konkretnom izboru to nije bio slučaj, jer je podnosilac prigovora rangiran na devetoj poziciji.

Cijeneći navedeno, Upravni odbor je utvrdio da podnositelj prigovora nije stavljen u nepovoljniji položaj u odnosu na ostale kandidate, te da je rektor Univerziteta u Sarajevu, donoseći odluku o prijemu u radni odnos kandidata Mirze Mušanovića na radno mjesto samostalni referent-obezbjeđenje, u cijelosti proveo zakonom propisanu proceduru.

S obzirom na naprijed naznačeno, Upravni odbor Univerziteta u Sarajevu odlučio je kao u dispozitivu.

Pouka o pravnom lijeku:

Ova Odluka je konačna i protiv iste se može podnijeti tužba pred nadležnim sudom u roku od 30 dana od dana prijema ove Odluke.



Dostaviti:

- Podnositelju prigovora Faruku Sadikoviću
- Rektor Univerziteta u Sarajevu
- ☉ Predsjedniku i članovima UO
- U dokumentaciju UO
- Generalnom sekretaru
- a/a